



---

PROGRAM UTROŠKA SREDSTAVA  
BUDŽETA BOSANSKO-PODRINJSKOG KANTONA GORAŽDE ZA 2014. GODINU

---

Godina:	2014
Budžetski korisnik	Ministarstvo za privredu
Ekonomski kod:	614 100
Naziv ekonomskog koda:	Tekući transferi drugim nivoima vlasti za razvoj turizma



---

#### PODACI O PROGRAMU

Naziv programa Program razvoja turizma u Bosansko-podrinjskom kantonu Goražde za 2014. godinu

Budžetski korisnik: 17. Ministarstvo za privredu

Ekonomski / analitički kod: 614 100

Ekonomski kod: Tekući transferi drugim nivoima vlasti za razvoj turizma

Period realizacije programa: 01.01.2014 - 31.12.2014.

Ukupna vrijednost programa: 100.000 KM

Odgovorna osoba: Demir Imamović

Pozicija odgovorne osobe: Ministar

Kontakt osoba za program: Almas Pita

Kontakt telefon: +387 38 224 264

Kontakt e-mail: [mpbk-privredaipoduzetnistvo@hotmail.com](mailto:mpbk-privredaipoduzetnistvo@hotmail.com)

Datum usvajanja programa: 08.07.2014. godine.

Saglasnost na program utroška u skladu sa Zakonom o izvršenju budžeta BPK Goražde dala je Vlada Bosansko-podrinjskog kantona Goražde Odlukom broj: 03-14-940/14 od 08.07.2014. godine („Službene novine Bosansko-podrinjskog kantona Goražde“, broj: \_\_\_\_\_/14)

---

U skladu sa članom 41.Zakona o izvršenju Budžeta Bosansko-podrinjskog kantona Goražde za 2014.godinu („Službene novine Bosansko-podrinjskog kantona Goražde“, broj: 16/13), Zakona o budžetima u Federaciji Bosne i Hercegovine ( “Službene novine Federacije BiH “, br.102/13 i 9/14 ), Zakona o sistemu državne pomoći u Bosni i Hercegovini (“Službeni glasnik BiH” broj: 10/12) i na osnovu Programa razvoja Bosansko-podrinjskog kantona Goražde (Službene novine Bosansko-podrinjskog kantona Goražde, broj: 10/11), Ministarstvo za privredu Bosansko-podrinjskog kantona Goražde utvrđuje:

## PROGRAM UTROŠKA SREDSTAVA

### BUDŽETA BOSANSKO-PODRINJSKOG KANTONA GORAŽDE ZA 2014. GODINU SA EKONOMSKOG KODA 614 100 – TEKUĆI TRANSFERI DRUGIM NIVOIMA VLASTI ZA RAZVOJ TURIZMA

#### 1. NAZIV PROGRAMA

1.1. Naziv Programa utroška sredstava Budžeta Ministarstva za privredu Bosansko-podrinjskog kantona Goražde sa ekonomskog koda 614 100 – Tekući transferi drugim nivoima vlasti za razvoj turizma, glasi: „Program razvoja turizma u Bosansko-podrinjskom kantonu Goražde za 2014. godinu“

#### 2. OPŠTI I POSEBNI CILJEVI PROGRAMA

##### 2.1. Osnovni cilj programa

2.1.1. Osnovni cilj programa je pružanje podrške drugim nivoima vlasti da samostalno ili u saradnji sa drugim akterima doprinesu razvoju javne turističke infrastrukture, aktiviranju novih turističkih resursa za ljetni, zimski, tranzitni, seoski i za eko turizam na području Bosansko-podrinjskog kantona Goražde.

2.1.2. U skladu sa Programom rada Vlade, osnovni cilj programa je i isplata sredstava po odluci Vlade Bosansko-podrinjskog kantona Goražde broj: 03-14-1528/13 za projekte unaprijeđenja javne turističke infrastrukture koji su odobreni po Programu razvoja turizma za 2013. godinu a koji zbog smanjenja sredstava u Budžetu nisu isplaćena.

##### 2.2. Svrha programa

2.2.1. Svrha programa je da doprinese dugoročnom cilju u oblasti turizma na način da turistička djelatnost ima značajan utjecaj na ekonomski razvoj, zapošljavanje, generisanje dohodka i poboljšanje ukupne kvalitete života na prostoru Bosansko-podrinjskog kantona Goražde.

##### 2.3. Posebni ciljevi

2.3.1. Program sadrži posebne ciljeve programa koji su kreirani kako bi se definisali specifični i mjerljivi ciljevi za razvoj turizma na području Bosansko-podrinjskog kantona Goražde. U skladu sa općim ciljem, posebni ciljevi programa za 2014. godinu su:

1. unaprijeđenje javne turističke infrastrukture i završetak implementacije projekata odobrenih po programu za 2013. godinu po odluci Vlade Bosansko-podrinjskog kantona Goražde broj: 03-14-1528/13,

2. razvoj i proširenje turističke ponude kroz aktiviranje turističkih resursa i uvrštavanje istih u turističku ponudu Bosansko-podrinjskog kantona Goražde.

#### **2.4. Unaprijeđenje javne turističke infrastrukture**

2.4.1. Prvi poseban cilj programa je pružanje podrške općinama u implementaciji projekata na uređenju i opremanju javne turističke infrastrukture koji su odobreni Odlukom Vlade Bosansko-podrinjskog kantona Goražde broj: 03-14-1528/13 i kojima su definisane prioritete lokacije za razvoj turizma.

2.4.2. Podrška za unaprijeđenje turističke infrastrukture obezbijedit će se za projekte i aktivnosti investicionog ulaganja u uređenje turističkih lokacija na rijeci Drini u općinama Goražde i Foča u Federaciji BiH, kao i općini Pale u Federaciji BiH za izgradnju turističke infrastrukture na Krivoj Dragi za zimski turizam.

2.4.3. U toku 2013. godine, Vlada Bosansko-podrinjskog kantona Goražde donijela Odluku o odobravanju projekata broj: 03-14-1528/13 putem koje je Općini Goražde odobrena podrška za projekt „Izgradnja pristaništa za splavove i uređenje desne obale rijeke Drine ispod Gradskog mosta“ u visini od 20.000 KM, Općini Foča u Federaciji BiH za projekt „Uređenje obala rijeke Drine za dnevni boravak turista“ u visini od 20.000 KM i Općini Pale FBiH za projekt „Izgradnja turističke infrastrukture na stazi za skijalište u sastavu Sportsko rekreativnog centra Kriva Draga“ u visini od 20.000 KM. Iako su programi odobreni sredstva za njihovu implementaciju nisu isplaćena zbog finansijskih poteškoća u budžetu kantona.

2.4.4. Programom za 2014. godinu planira se isplata po prethodno navedenoj odluci jer su potpisani ugovori i obavljena kompletna procedura odabira korisnika sredstava.

#### **2.5. Proširenje, unaprijeđenje i razvoj turističke ponude**

2.5.1. Drugi poseban cilj programa je osiguravanje planskog pristupa koji će omogućiti proširenje, unaprijeđenje i razvoj turističke ponude kantona, brže aktiviranje turističkih resursa i uvrštavanje istih u turističku ponudu Bosansko-podrinjskog kantona Goražde.

2.5.2. U okviru drugog posebnog cilja podrška će se osigurati za aktivnosti koje su projektom „Uređenja i zaštite plaža i kupališta na rijeci Drini“ predviđene za uređenje i zaštitu 12 kupališta na rijeci Drini a koje je Ministarstvo za privredu kandidovalo za finansiranje po Javnom pozivu Fonda za zaštitu okoliša Federacije BiH u 2014. godini. U okviru ovog cilja planirana je podrška u vidu vlastitih sredstava aplikanta u slučaju odobravanju projekta od strane Fonda za zaštitu okoliša Federacije BiH, odnosno podrška aktivnostima koje su predviđene projektom u slučaju izostanka podrške Fonda za zaštitu okoliša imajući u vidu posljedice katastrofalnih poplava koje su u maju 2014. godine pogodile Bosnu i Hercegovinu i najavama za preusmjerenje podrške za područja pogođena poplavama. Pored toga, u okviru ovog projekta planirana je podrška i drugim mjerama koje doprinose aktiviranju turističkih potencijala i njihovo korištenje u turističke svrhe, te podrška aktivnostima koje doprinose promociji turizma i razvoju eko-turizma na području Bosansko-podrinjskog kantona Goražde.

2.5.3. U toku 2013. godine za ove potrebe izrađena je Studija o mogućnostima izgradnje plaža i kupališta na području BPK Goražde čime su identifikovane lokacije koje u skladu sa propisima iz oblasti voda mogu biti korištene kao plaže i kupališta. Identifikovane plaže i kupališta su predložene za uvrštavanje u Prostorni plan BPK Goražde za period 2008.-2028. godina.

2.5.4. Podrška za unaprijeđenje i razvoj turističke infrastrukture predviđena je i za 2015/16 godinu.

### 3. ZAKONSKI OKVIR ZA DONOŠENJE PROGRAMA

3.1. Na osnovu Zakona o kantonalnim ministarstvima i drugim tijelima kantonalne uprave Bosansko-podrinjskog kantona Goražde (Službene novine Bosansko – podrinjskog kantona Goražde broj: 09/13) nadležnosti Ministarstva za privredu Bosansko-podrinjskog kantona Goražde su predlaganje i provođenje politike u oblasti industrije, poduzimanje mjera za unaprijeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprijeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementacija politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politke razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

3.2. Program je usklađen sa Strategijom razvoja turizma Federacije BiH za period 2008-2018. godina. Predhodno navedenom Strategijom obuhvaćeni su kapitalni infrastrukturni projekti i isti se planiraju realizovati Programom razvoja turizma u Bosansko-podrinjskom kantonu Goražde u periodu za koji je urađena Strategija.

3.3. Program razvoja turizma Bosansko-podrinjskog kantona Goražde izrađen je u skladu sa Programom razvoja Bosansko-podrinjskog kantona Goražde do 2014. godine i u skladu sa Zakonom o izvršenju Budžeta Bosansko-podrinjskog kantona Goražde za 2014. godinu.

3.4. Program je takođe usklađen i sa Programom rada Vlade Bosansko-podrinjskog kantona Goražde za 2014. godinu ("Službene novine Bosansko-podrinjskog kantona Goražde", broj: 4/14).

3.5.

### 4. OPIS PROGRAMA

4.1. Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva u budžetu Ministarstva za privredu Bosansko-podrinjskog kantona Goražde koriste na transparentan, specifičan, mjerljiv način u vremenski određenom periodu sa namjerom/svrhom da se omogući povećanje privredne aktivnosti u sektoru turizma i poboljšanje ukupne kvalitete života na prostoru Bosansko-podrinjskog kantona Goražde.

4.2. Program će obezbijediti sufinansiranje Odluke o odobravanju prijedloga projekata broj: 03-14-1528/13 koju je donijela Vlada Bosansko-podrinjskog kantona Goražde na svojoj 45.redovnoj sjednici održanoj dana 17.09.2013. godine, a koji nisu mogli biti isplaćeni u 2013. godini zbog nedostatka novčanih sredstava. Prethodno navedenom odlukom obuhvaćeni su sljedeći korisnici sredstava: Općina Goražde za projekt „Izgradnja pristaništa za splavove i uređenje desne obale rijeke Drine ispod Gradskog mosta“ u visini od 20.000 KM, Općina Foča u Federaciji BiH za projekt „Uređenje obala rijeke Drine za dnevni boravak turista“ u visini od 20.000 KM i Općina Pale FBiH za projekt „Izgradnja turističke infrastrukture na stazi za skijalište u sastavu Sportsko rekreativnog centra Kriva Draga“ u visini od 20.000 KM. Ukupan iznosu sredstava potreban za realizaciju navedene odluke je 60.000 KM. Razlog za uvrštavanja jeste u tome što je ministarstvo provelo kompletnu proceduru predviđenu Programom razvoja turizma u Bosansko-podrinjskom kantonu Goražde za 2013. godinu” (zaključilo ugovore, korisnici su dostavili mjenice i pripadajuća mjenična ovlaštenja), ali zbog nedostatka novčanih sredstava u budžetu sredstva nisu isplaćena u 2013. godini.

4.3. Program će obezbijediti i podršku za dalje unapređenje i razvoj turističke infrastrukture čije aktivnosti su planirane intenzivnijim tempom i uz sufinansiranje iz sredstava javnih fondova Federacije BiH. Za potrebe ove aktivnosti Ministarstvo za privredu je apliciralo po Javnom pozivu Fonda za zaštitu okoliša Federacije BiH.

Isto tako, program će obezbijediti podršku za druge inovativne projekte, aktivnosti i mjere koje doprinose poboljšanju stanja turističke infrastrukture, poboljšanju turističke ponude i promociji turističkih resursa i potencijale, u cilju stavljanja istih u turističku ponudu Bosansko-podrinjskog kantona Goražde.

4.4. Programom će se obezbijediti i podrška Turističkoj zajednici BPK Goražde za projekte kojima se realizuju aktivnosti planirane u već postojećim studijama, idejnim rješenjima projekata i ostalim strateškim postojećim dokumentima.

## 5. POČETAK I VRIJEME IMPLEMENTACIJE PROGRAMA

5.1. Program razvoja turizma u Bosansko-podrinjskom kantonu Goražde je višegodišnji program koji se provodi u periodu od 2011. do 2014. godine.

5.2. Implementacija programa za 2014. godinu počinje dobivanjem saglasnosti od Vlade Bosansko podrinjskog kantona Goražde i trajeće do 31.12.2014. godine. Krajnji rok za dostavljanje zahtjeva za korištenje sredstava ističe 03. novembra 2014.godine u 16:00 sati.

## 6. STANJE TURIZMA NA PODRUČJU BOSANSKO-PODRINJSKOG KANTONA GORAŽDE

6.1. Bosansko-podrinjski kanton Goražde već duži niz godina stagnira po pitanju razvoj turizma . Osiguranjem adekvatne turističke infrastrukture stvorile bi se pretpostavke za brži razvoj turističke djelatnosti i zapošljavanje u turizmu. Nedovoljno razvijeno stanje u ovoj grani privrede najbolje se ogleda u turističkom indikatoru broja dolazaka turista i broj noćenja. Prema zvaničnim statističkim podacima u 2013. godini ukupno je zabilježeno 3.115 dolazaka turista i 7.267 noćenja. Podaci o broju dolazaka i noćenja turista u 2013. godini dati su u tabeli 1.

TABELA 1: PREGLED DOLAZAKA I NOĆENJA TURISTA NA PODRUČJU BOSANSKO-PODRINJSKOG KANTONA GORAŽDE U PERIODU 01. -12. 2013. GODINE

MJESEC	Broj dolazaka		Broj Noćenja		Hoteli i sličan smještaj			
	Domaći	Strani	Domaći	Strani	Domaći		Strani	
					Dolasci	Noćenja	Dolasci	Noćenja
Januar	247	10	624	22	247	624	10	22
Februar	106	24	244	43	106	244	24	43
Mart	177	10	527	40	177	527	10	40
April	348	31	459	37	348	459	31	37
Maj	266	54	441	225	266	441	54	225
Juni	216	32	433	59	216	433	32	59
Juli	311	27	432	71	311	432	27	71
Avgust	215	81	570	466	215	570	81	466
Septembar	210	28	569	83	210	569	28	83
Oktobar	196	57	602	195	196	602	57	195
Novembar	181	28	437	83	181	437	28	83
Decembar	225	35	485	120	225	485	35	120
<b>UKUPNO</b>	<b>2.698</b>	<b>417</b>	<b>5.823</b>	<b>1.444</b>	<b>2.698</b>	<b>5.823</b>	<b>17</b>	<b>1.444</b>

6.2. U odnosu na ostvarene prosječne rezultate u Federaciji Bosne i Hercegovine, podaci o dolascima i noćenjima turista govore da je Bosansko-podrinjski kanton Goražde ostvario ispod prosječne rezultate po broju dolazaka turista i noćenja. Prosječno zadržavanja turista na prostoru Bosansko-podrinjskog kantona Goražde je 2,33 dana, a najveći broj noćenja u navedenom periodu ostvarili su turisti iz Njemačke, Francuske, Srbije, Austrije, Turske, Holandije, Kine, Slovenije i Španije.

6.3. U protekle tri godine u okviru programa podržane su aktivnosti na razvoju turizma koje su imale za cilj osiguranje infrastrukture za razvoj zimskog turizma, uređenje turističkih lokacija i pružanje podrške privrednim subjektima aktivnim u sektoru turizma. Provedeno je više akcija koje su imale za cilj promociju turističkih potencijala, organizovani su turistički događaji, a posebno značajna podrška je pružena Turističkoj zajednici koja je zahvaljujući podršci iz ovog programa imala osigurana sredstva za rad na promociji turističkih potencijala Bosansko-podrinjskog kantona Goražde

## 7. PROCJENA NAPRETKA I KLJUČNE KOREKCIJE PROGRAMA U 2014. GODINI

### 7.1. Procjena napretka programa

7.1.1. U periodu od 2011/13 godine iz sredstava programa podrške razvoju turizma podržano je ukupno 18 projekata.

7.1.2. Program razvoja turizma na području Bosansko-podrinjskog kantona Goražde pokrenut je 2011. godina i u istim je obezbjeđena finansijska podrška za implementaciju deset projekata: iz oblasti unaprijeđenja javne turističke infrastrukture 6 projekata, promocije turističkih potencijala dva projekta i proširenja turističke ponude dva projekta.

7.1.3. U 2012. godini nije ostvaren značajniji napredak po pitanju povećanja broja dolazaka turista i noćenja, jer nije realizovan program razvoja turizma u Bosansko-podrinjskom kantonu Goražde zbog nedostatka novčanih sredstava u budžetu.

7.1.4. U 2013. godini obezbjeđena je finansijska podrška za promociju turističkih proizvoda i potencijala Bosansko-podrinjskog kantona Goražde (3 projekta), proširenje turističke ponude i kategorizaciju ugostiteljskih objekata (5 projekata). Takođe je izrađena Studija o mogućnostima izgradnje plaža i kupališta na rijeci Drini na potezu od Ustikoline do Goražda od strane Instituta za hidrotehniku, što je neophodna planska dokumentacija za dobijanje predhodne vodne saglasnosti za izvođenje radova u vodnom pojasu rijeke Drine.

7.1.5. Potrebno je napomenuti da pored podrške iz sredstava ovog programa u protekle tri godine došlo je do značajnijeg poboljšavanja stanja u sektoru turizma kroz izgradnju novih turističkih kapaciteta i turističkih sadržaja, a najvažniji ugostiteljski objekti su izvršili proces kategorizacije. Ipak na području kantona i dalje nedostaje turističkih kapaciteta i ponude koja bi omogućila snažniji priliv turista. Nepostoje kapaciteti koji bi mogli primiti veće grupe turista pa bi tom problemu trebalo posvetiti značajniju pažnju u narednom periodu, kao i pripremi infrastrukture za veću iskorištenost turističkih resursa Bosansko-podrinjskog kantona Goražde.

### 7.2. Ključne korekcije programa za 2014. godinu

7.2.1. U odnosu na program podrške razvoju turizma za 2013. godinu u programu za 2014. godinu nisu planirane značajnije promjene, a program je prilagođen teškoj finansijskoj situaciji u kojoj se nalazi Budžet BPK Goražde. Program će obezbijediti sufinansiranje Odluke o odobravanju prijedloga projekata broj: 03-14-1528/13 koju je donijela Vlada Bosansko-podrinjskog kantona Goražde na svojoj 45. redovnoj sjednici održanoj dana 17.09.2013. godine, a koji nisu mogli biti isplaćeni u 2013. godini zbog nedostatka novčanih sredstava.

7.2.2. Prethodno navedenom odlukom obuhvaćeni su sljedeći korisnici sredstava: Općina Goražde za projekt „Izgradnja pristaništa za splavove i uređenje desne obale rijeke Drine ispod Gradskog mosta“ u visini od 20.000 KM, Općina Foča u Federaciji BiH za projekt „Uređenje obala rijeke Drine za dnevni boravak turista“ u visini od

20.000 KM i Općina Pale FBiH za projekt „Izgradnja turističke infrastrukture na stazi za skijanje u sastavu Sportsko rekreativnog centra Kriva Draga“ u visini od 20.000 KM. Ukupan iznosu sredstava potreban za realizaciju navedene odluke je 60.000 KM.

7.2.3. U cilju poboljšanja efekata programa za 2014. godinu planirano je da program obezbijediti podršku za stvaranje uslova za većim iskorištavanjem prirodnih potencijala u turističke svrhe i njihovo stavljanje u turističku ponudu kantona, te podršku za projekte koji doprinose unaprijeđenju i razvoju turističkih proizvoda i njihovo uključivanje u turističku ponudu i promociju. Programom će se obezbijediti i podrška Turističkoj zajednici za projekte kojima se realizuju aktivnosti planirane u već postojećim studijama, idejnim rješenjima projekata i ostalim strateškim postojećim dokumentima.

## 8. POTREBNA SREDSTVA ZA PROVOĐENJE PROGRAMA

### 8.1. Visina sredstava za provođenje programa

8.1.1. Potrebna sredstva za provođenje programa definisana su Budžetom Ministarstva za privredu Bosansko-podrinjskog kantona („Službene novine Bosansko-podrinjskog kantona Goražde“, broj: 16/13), na ekonomskom kodu 614 100 Tekući transferi drugim nivoima vlasti za razvoj turizma, u ukupnom iznosu od 100.000 KM.

### 8.2. Maksimalni budžet po komponentama

8.1.1. Programom se utvrđuje visina, odnosno maksimalni i minimalni iznos sredstava za svaki posebni cilj iz tačke 2. programa. Maksimalna ili minimalna visina sredstava za pojedinačni cilj predstavlja jednu finansijsku komponentu programa. Za svaki poseban cilj, odnosno za svaku finansijsku komponentu programa definisan je slijedeći maksimalni i minimalni budžet:

1. Isplata sredstava po odluci Vlade Bosansko-podrinjskog kantona Goražde broj: 03-14-1528/13

Maksimalan budžet: 60.000 KM

2. Razvoj i proširenje turističke ponude kroz aktiviranje turističkih resursa i uvrštavanje istih u turističku ponudu Bosansko-podrinjskog kantona Goražde.

Maksimalan budžet: 40.000 KM

8.3. Finansijski plan programa za period 2011/14 je odobren u Budžetu BPK za 2011.-2014. godinu u ukupnom iznosu od 430.000,00KM od čega je u periodu 2011. – 2013. Izvršen u iznosu od 169.945,60 KM. Iznosi planiranih i utrošenih sredstava za predhodne tri, tekuću i naredne dvije godine su kako slijedi u tabeli 2.

TABELA 2: PREGLED GODIŠNJEG BUDŽETA PROGRAMA ZA 2011. - 2016. GODINU

Rbr	Prioriteti / finansijske komponente	2011	2012	2013	2014	2015	2016	Ukupno
<b>1.</b>	<b>Planirano</b>	<b>130.000</b>	<b>100.000</b>	<b>100.000</b>	<b>100.000</b>	100.000	100.000	630.000
1.1.	Turistička infrastruktura	74.500	60.000	60.000	60.000	60.000	60.000	374.500
1.2.	Turistička ponuda	55.500	40.000	40.000	40.000	40.000	40.000	255.500
<b>2.</b>	<b>Izvršeno</b>	<b>129.945</b>	<b>0</b>	<b>40.000</b>	<b>0</b>	<b>0</b>	<b>0</b>	<b>169.945</b>
2.1.	Turistička infrastruktura	74.405	0	0	0	0	0	74.405
2.3.	Turistička ponuda	55.540	0	40.000	0	0	0	95.540



#### 8.4. Preraspodjela sredstava

8.4.1. U slučaju potrebe, Ministarstvo za privredu može napraviti redistribuciju sredstava sa jedne na drugu finansijsku komponentu u iznosu do maksimalno 10 procenata od iznosa komponente sa koje se sredstva prenose. Redistribuciju ovih sredstava Ministarstvo za privredu će izvršiti odlukom Ministra.

8.4.2. U slučaju postojanja opravdane potrebe za korekcijom iznosa sredstava planiranih za svaki posebni cilj programa do maksimalno 25 procenata Ministarstvo za privredu može napraviti redistribuciju sredstava uz saglasnost Vlade Bosansko-podrinjskog kantona Goražde.

8.4.3. U slučaju izmjene ukupne vrijednosti programa koja je rezultat Izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta Ministarstva za privredu i preusmjeravanja između budžetskih korisnika, Ministarstvo za privredu se ovlašćuje da može vršiti izmjenu i dopunu programa u skladu sa potrebama na osnovu kojih su donešene odluke o preusmjeravanju, povećanju ili smanjenju ukupne vrijednosti programa uz saglasnost Vlade.

### 9. KRITERIJI ZA RASPODJELU SREDSTAVA

#### 9.1. Način raspodjele sredstava

9.1.1. Raspodjela sredstava vrši se dodjelom državne novčane pomoći za svrhu, ciljeve i prioritete utvrđene programom i može biti dodjeljena jednom ili više puta u skladu sa odredbama programa, na osnovu odobrenih projekata i zahtjeva podnešenih u skladu sa programom. Konačne Odluke o dodjeli sredstava u skladu sa programom donosi Vlada Bosansko-podrinjskog kantona Goražde.

#### 9.2. Kriteriji za raspodjelu

9.2.1. Raspodjela sredstava, u skladu sa opštim ciljem programa iz tačke 2.1. će se vršiti u skladu sa posebnim ciljevima iz tačke 2.3. i prioritetima srazmjerno doprinosu u ostvarivanju ciljeva i očekivanih rezultata programa.

9.2.2. Prilikom odlučivanja o raspodjeli sredstava primjenjivat će se kriteriji putem kojih će se ocjenjivati različiti aspekti utjecaja akcije predložene za finansiranje na način da se osigura da se sredstva efikasno koriste za ispunjvanje ciljeva programa.

9.2.3. Kriteriji po osnovu kojeg će se vršiti raspodjela sredstava programa:

9.2.3.1. Finansijski i organizacioni kapaciteti aplikanta za provođenje akcije (za projekte)

9.2.3.2. Usklađenost akcije sa svrhom, opštim i posebnim ciljevima programa,

9.2.3.3. Metodologija provođenja planirane akcije (za projekte)

9.2.3.4. Doprinos održivom poboljšanju stanja iz tačke 6. programa

9.2.3.5. Troškovna efikasnost u provođenju akcije

#### 9.3. Način raspodjele sredstava

9.3.1. Raspodjela sredstava vršiće se na osnovu odobrenih projekata i zahtjeva za sredstvima u skladu sa svakim posebnim ciljem programa. Raspodjela sredstava vrši se dodjelom državne pomoći u novcu i ona može biti dodjeljena jednom ili više puta u skladu sa odredbama programa.

9.3.2. Konačnu saglasnost na spisak korisnika sredstava državne pomoći iz ovog programa daje Vlada Bosansko-podrinjskog kantona Goražde.

9.3.3. Sredstva iz ovog programa dodjeljivaće se u formi projektnog finansiranja (plaćanje unaprijed). Dodjela sredstava se može vršiti u hitnim slučajevima i na osnovu zahtjeva za podrškom u realizaciji pojedinačne aktivnosti ili potrebe isključivo na način propisan programom.

9.4. Kandidovanje prijedloga projekta i podnošenje zahtjeva za sredstvima

9.4.1. Prijedlozi projekata i zahtjevi za sredstvima dostavljaju se nakon objavljivanja javnog poziva, koji se raspisuje u skladu sa odredbama programa.

9.4.2. Prijedlozi projekata se dostavljaju za apliciranje na sredstva u okviru 1.i 2. posebnog cilja.

9.4.3. Aplikant može dostaviti više prijedloga projekata ili zahtjeva u okviru drugog posebnog cilja.

9.4.4. Minimalno jedan javni poziv će se raspisati za drugi posebni cilj programa. Ministarstvo za privredu Bosansko-podrinjskog kantona Goražde može raspisati i javni poziv za sredstva u okviru prvog posebnog cilja, ukoliko se predviđeni projekti ne realizuju, odnosno ukoliko se obezbjede dodatna sredstva za implementaciju programa.

9.4.5. Pravilno popunjavanje propisane forme omogućava da se svi aspekti prijedloga projekata i zahtjeva objektivno selektiraju i procjene.

9.4.6. Svi prijedlozi projekata ili zahtjevi se procjenjuju u skladu sa kriterijima iz tačke 9.2.3. programa kojim će se vrednovati njihov doprinos ostvarivanju ciljeva programa na način predviđen procedurama apliciranja, selekcije, evaluacije i rangiranja iz tačke 11. programa.

## 10. OPŠTI I POSEBNI USLOVI ZA UČESTVOVANJE U PROGRAMU

10.1. Opšti uslovi za učestvovanje u programu

10.1.1. U implementaciji programa primjenjivaće se restriktivne procedure koje omogućavaju ravnopravno učestvovanje u programu svim licima koja spadaju u jednu od slijedećih kategorija:

- da imaju status jedinice lokalne samouprave u skladu sa zakonom,
- da imaju status kantonalne turističke zajednice,
- da imaju status udruženja koje je aktivno u oblasti razvoja turizma.

10.2. Posebni uslovi za učestvovanje u programu

10.2.1. U implementaciji programa, pored općih, primjenjivaće se i posebni uslovi za učestvovanje u programu.

10.2.2. Posebni uslovi koji se primjenjuju za aplikante u okviru prvog posebnog cilja su:

- da su namjenski utrošili sredstva odobrena od strane Vlade Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,
- da nisu koristili podršku za iste ili slične potrebe u periodu od protekle tri godine iz sredstava ovog programa,
- da imaju registraciju na području kantona,
- da su aktivnosti predložene za finansiranje obuhvaćene odlukom Vlade Bosansko-podrinjskog kantona Goražde broj: 03-14-1528/13.

10.2.3. Posebni uslovi koji se primjenjuju za aplikante u okviru drugog posebnog cilja su:

- da su ispunili ugovorene obaveze i namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena,
- da imaju registraciju na području kantona,
- da postoji pismo podrške od Turističke zajednice BPK Goražde za aplikaciju predloženu za finansiranje iz sredstava programa, ukoliko aplikant nema status turističke zajednice.

## 11. PROCEDURE APLICIRANJA, SELEKCIJE I EVALUACIJE PROJEKATA I ZAHTJEVA

### 11.1. Aplikanti

11.1.1. Lica koja ispunjavaju opće uslove za učestvovanje u programu i koja u formi propisanoj od strane Ministarstva za privredu Bosansko-podrinjskog kantona Goražde dostave prijedlog projekta i zahtjev za sredstvima imaju status aplikanta.

11.1.2. Aplikanti kojima je Odlukom vlade odobren projekat u 2013. godinu nisu obavezni ponovno podnositi aplikaciju.

11.1.3. Prvi javni poziv se raspisuje u roku od 15 dana od dana dobivanja saglasnosti koja je propisana programom. Javni poziv minimalno sadrži: sažetak svrhe, općeg i posebnih ciljeva, način raspodjele i rokove za dostavljanje aplikacija.

11.1.4. Javni poziv se objavljuje na internet stranici Vlade Bosansko-podrinjskog kantona i u jednom ili više elektronskih medija.

11.1.5. Krajnji rok za objavljivanje javnih poziva i dostavljanje zahtjeva je 03. novembar 2014.godine do 16:00 sati.

### 11.2. Kandidovanje prijedloga projekata

11.2.1. Aplikant može kandidovati prijedlog projekta u formi propisanoj od strane Ministarstva za privredu u kojem je planirano sufinansiranje troškova projekta iz sredstava programa.

11.2.2. Aplikant može dostaviti više prijedloga projekata u okviru drugog posebnog cilja.

11.2.3. Prijedlozi projekata za podršku iz sredstava programa podnešeni od strane aplikanta obavezno moraju biti usklađeni sa finansijskim uslovima iz tačke 11.6. programa. Projekti koji ne ispunjavaju propisanu formu obaveznog sadržaja odnosno koji nisu usklađeni sa finansijskim uslovima u administrativnoj provjeri će biti odbačeni kao neprihvatljivi za finansiranje.

11.2.4. Ministarstvo za privredu Bosansko-podrinjskog kantona Goražde će raspisati drugi javni poziv za dostavljanje prijedloga projekata ukoliko se u prvom javnom pozivu ne utroše sva planirana sredstva programa, ukoliko dodje do povećanja budžeta, te ukoliko sredstva planirana za finansiranje ne utroše u vremenskom planu koji je određen programom.

### 11.3. Podnošenje zahtjeva za sredstvima

11.3.1. U slučaju postojanja hitnih, specifičnih ili manjih potreba koje su direktno povezane sa posebnim ciljevima programa, aplikanti mogu dostaviti zahtjeve za sredstvima.

11.3.2. Ukupan iznos sredstava koji se može dodjeliti putem zahtjeva za sredstvima ne može preći 6.000 KM.

11.3.3. Aplikant može dostaviti zahtjeve za sredstvima u roku od 15 dana od davanja saglasnosti na program, a najkasnije do 03. novembra 2014. godine.

#### 11.4. Obavezni sadržaj zahtjeva

11.4.1. U podnesenom zahtjevu aplikant je dužan navesti:

- osnovne podatke o aplikantu,
- opis usklađenosti zahtjeva sa konkretnim posebnim ciljem,
- razlog zbog kojeg se zahtjevom traži odobravanje sredstava sa opisom mjera poduzetim prije podnošenja zahtjeva,
- pregled planiranih aktivnosti koje se planiraju poduzeti u slučaju odobravanja sredstava,
- očekivani rezultat koji se planira ostvariti u slučaju odobravanja sredstava,
- iznos traženih sredstava iz programa i iznos sredstava koji bi se obezbijedio iz drugih izvora.

11.4.2. Zahtjev za sredstvima koji je podnešen od aplikanta obavezno mora biti usklađen sa finansijskim kriterijima poglavlje 11.5. programa. Zahtjevi koji ne ispunjavaju formu obaveznog sadržaja odnosno zahtjevi koji nisu usklađeni sa finansijskim kriterijima u administrativnoj provjeri će biti odbačeni kao neprihvatljivi za finansiranje.

#### 11.5. Finansiranje zahtjeva za sredstvima

11.5.1. Minimalni i maksimalni iznos granta koji može biti zatražen u formi zahtjeva je u rasponu od 500 KM do 3.000 KM.

11.5.2. Zahtjevi u kojima je planirani grant veći ili manji od utvrđene visine će u fazi administrativne provjere biti automatski odbijeni kao neprihvatljivi za finansiranje.

11.5.3. Vlastita sredstva aplikanta su poželjna, ali nisu obavezujuća.

#### 11.6. Finansiranje prijedloga projekata

11.6.1. Ukupan budžet predloženog projekta koji aplikanti dostavljaju za finansiranje, ne može biti manji od 8.000 KM i veći od 165.000 KM.

11.6.2. Minimalni i maksimalni iznos granta koji može biti zatražen za sufinansiranje projekta je u rasponu od 6.000 KM do maksimalno 40.000 KM.

11.6.3. Aplikanti su obavezni da osiguraju vlastito učešće u finansiranju projekata u iznosu minimalno 20%.

11.6.4. Prijedlozi projekata čiji je ukupan budžet manji od 8.000 KM i veći od 165.000 KM, a u kojima je planirani grant veći ili manji od utvrđene visine i projekti u kojima nije obezbjeđeno vlastito učešće u skladu sa prethodnim stavom će u fazi administrativne provjere biti automatski odbijeni kao neprihvatljivi za finansiranje.

11.6.5. Minimalni i maksimalni iznos granta za sufinansiranje projekata iz sredstava ovog programa su definisani u rasponu za svaki poseban cilj u tabeli 3.

TABELA 3: PREGLED MINIMALNIH I MAKSIMALNIH IZNOSA GRANT SREDSTAVA ZA FINANSIRANJE IZ PROGRAMA

CILJ / FINANSIJSKA KOMPONENTA	Ukupan budžet po komponenti	Minimalni iznos granta	Maksimalni iznos granta
Implementacija projekata za unaprijeđenje javne turističke infrastrukture	60.000 KM	6.000 KM	20.000 KM
Razvoj i proširenje turističke ponude kroz aktiviranje turističkih resursa i uvrštavanje istih u turističku ponudu Bosansko-podrinjskog kantona Goražde.	40.000 KM	6.000 KM	10.000 KM

#### 11.7. Otvaranje aplikacija i administrativna provjera

11.7.1. Otvaranje aplikacija i administrativna provjera za prijedloge projekata se provodi najkasnije 30 dana od zatvaranja javnog poziva. Aplikacije zahtjeva za sredstvima se otvaraju nakon prijema i kao takve upućuju u proceduru administrativne provjere i ocjenjivanja.

11.7.2. Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog programa. Administrativnu provjeru vrši komisija Ministarstva za privredu. Komisija provjerava da li je aplikacija zadovoljila slijedeće uslove:

- da je aplikacija dostavljena u roku i na način predviđen programom,
- da su dostavljeni svi prilozi na način predviđen programom,
- da je aplikacija potpuna i ispravno popunjena u skladu sa propisanom formom,
- da je predloženo finansiranje u skladu sa odredbama o finansiranju.

11.7.3. Ukoliko su ovi uslovi ispunjeni, komisija će aplikaciju evaluirati u skladu sa odredbama programa. Komisija može zatražiti od aplikanta dostavljanje dodatne dokumentacije ukoliko je očigledno da je dokument izostavljen zbog slučajne tehničke greške, a što se može indirektno utvrditi na osnovu preostale dostavljene dokumentacije. Komisija može zatražiti dopunu dokumentacije za maksimalno dva uslova koja su propisana programom. U suprotnom aplikacija će i bez evaluacije biti odbijena iz administrativnih razloga.

11.7.4. Aplikacije pisane rukom će biti automatski odbijene.

11.7.5. Nakon provedene administrativne procedure, Ministarstvo za privredu Bosansko-podrinjskog kantona Goražde će obavijestiti sve aplikante o rezultatima administrativne provjere.

#### 11.8. Evaluacija dostavljenih prijedloga projekata

11.8.1. Za provođenje procesa selekcije, evaluacije i ocjenjivanja projekata Ministarstvo za privredu Bosansko-podrinjskog kantona Goražde formira komisiju. Komisija provodi evaluaciju dostavljenih prijedloga projekata nakon provedene administrativne provjere.

11.8.2. Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.

11.8.3. Pri evaluaciji projekata komisija primjenjuje pet grupa indikatora u skladu sa kriterijima iz tačke 9.2.3. programa:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

11.9. Evaluacija dostavljenih zahtjeva za sredstvima

11.9.1. Komisija provodi evaluaciju zahtjeva nakon provedene administrativne provjere.

11.9.2. U evaluaciji zahtjeva komisija primjenjuje tri grupa indikatora u skladu sa odabranim kriterijima iz tačke 9.2.3. i to:

- Relevantnost
- Održivost
- Budžet i troškovna efikasnost.

11.10. Ocjenjivanje aplikacija

11.10.1. Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjene:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

11.10.2. Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekte iznosi 100, dok je maksimalan broj bodova za zahtjeve za sredstvima 80.

11.10.3. Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.

## 11.11. Skala za evaluaciju

INDIKATOR	SKALA	
	Projekti	Zahtjevi
<b>1. Finansijski i operativni kapaciteti aplikanta</b>	<b>10</b>	
1.1. Procjenjeni nivo iskustva aplikanta u upravljanju projektom?	5	-
1.2. Procjenjeni nivo tehničkoga stručnog znanje i iskustva neophodnog za implementaciju projekata?	5	
<b>2. Relevantnost</b>	<b>25</b>	<b>25</b>
2.1. Koliko je aplikacija relevantna za svrhu i opšti cilj programa iz tačke 2.1. programa?	5	5
2.2. Koliko je aplikacija relevantna za posebne ciljeve iz tačke 2.3. programa?	5x2	5x2
2.3. Koliko je aplikacija relevantna za prioritetne aktivnosti iz tačke 12.1. programa?	5x2	5x2
<b>3. Metodologija</b>	<b>10</b>	
3.1. Da li aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5	-
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta, a koji mogu doprinijeti rješavanju problema?	5	-
<b>4. Održivost</b>	<b>25</b>	<b>25</b>
4.1. Da li će mjere podrške programa značajnije doprinijeti poboljšanju stanja koje je navedeno u tački 6. programa?	5	5
4.2. Da li predložene aktivnosti doprinose održivom ostvarivanju ciljeva programa i da li mogu imati pozitivne multiplikativne efekte na ukupni razvoj turizma Bosansko-podrinjskog kantona Goražde?	5x2	5x2
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz programa, u periodu od minimalno tri godine?	5x2	5x2
<b>5. Budžet i troškovna efikasnost</b>	<b>30</b>	<b>30</b>
5.1. Da li je odnos između planiranih troškova i očekivanih rezultata zadovoljavajući?	5x2	5x2
5.2. Da li je visina predloženih troškova adekvatna za implementaciju planiranih aktivnosti?	5x2	5x2
5.3. Da li su predloženi troškovi aktivnosti obrazloženi na način da dokazuju da će sredstva programa biti iskorištena na efikasan i ekonomičan način?	5x2	5x2
<b>MAKSIMALAN BROJ BODOVA</b>	<b>100</b>	<b>80</b>

11.11.1. Projekti koji imaju manje od 70 bodova, odnosno zahtjevi za sredstvima koji imaju manje od 50 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

11.12. Procedure odobravanja prijedloga projekata

11.12.1. Za projekte koji su u procesu evaluacije dobili više od 70 bodova, komisija rangira po broju osvojenih bodova.

11.12.2. U procesu odobravanja, komisija može uvidom na terenu provjeriti stanje u pogledu uklađenosti stvarnog stanja sa stanjem navedenim u prijedlogu projekta.

11.12.3. Nakon provedenog rangiranja odobravaju se svi najbolje rangirani projekti do visine raspoloživih sredstava koja su programom definisana za svaki pojedinačni cilj. Svi najbolje rangirani projekti za koje postoje raspoloživa sredstva imaju status odobrenih projekata.

11.12.4. Prijedlozi projekata koji imaju više od 70 bodova a za čije finansiranje nema raspoloživih sredstava stavljaju se na listu čekanja. U slučaju obezbjeđenja dodatnih sredstava za program ili donošenja odluke o preraspodjeli sredstava u skladu sa odredbama programa prijedlozi projekata biće finansirani. U suprotnom, prijedlozi projekata se odbijaju.

11.12.5. Nakon provedenog rangiranja, Komisija predlaže odobravanje prijedloga projekta u punom ili umanjenom iznosu u zavisnosti od rezultata procesa evaluacije.

11.12.6. Sve odobrene projekte Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da donese Odluku o odobravanju prijedloga projekta koji će se sufinansirati iz sredstava budžeta Ministarstva za privredu Bosansko-podrinjskog kantona – ekonomski kod 614 100 – Tekući transferi drugim nivoima vlasti za razvoj turizma.

11.12.7. Istovremeno sa prijedlogom Odluke o odobravanju prijedloga projekta, Vladi Bosansko-podrinjskog kantona Goražde se dostavlja odobreni prijedlog projekta i prednacrt Ugovora o sufinansiranju odobrenog projekta.

11.12.8. Ukoliko se Odlukom Vlade Bosansko-podrinjskog kantona Goražde odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobranitiocu na Mišljenje.

11.12.9. U slučaju da je planirano sufinansiranje projekta iz programa veće od 6.000 KM i manje od 50.000 KM, uz prednacrt Ugovora podnosi se i Prijedlog Zaključka Vlade Bosansko-podrinjskog kantona Goražde o davanju saglasnosti Ministru za privredu Bosansko-podrinjskog kantona Goražde za potpisivanje Ugovora. Ukoliko je iznos odobrenog granta veći od 50.000 KM, uz prednacrt Ugovora podnosi se i prijedlog Zaključka o davanju saglasnosti Premijeru Bosansko-podrinjskog kantona za zaključivanje Ugovora o sufinansiranju projekta.

11.12.10. Nakon prihvatanja prijedloga Odluke od strane Vlade Bosansko-podrinjskog kantona Goražde i pribavljenog Mišljenja kantonalnog pravobranilaštva na Nacrt Ugovora, pristupa se potpisivanju Ugovora za sufinansiranje projekta o čemu se aplikant pismeno obavještava. Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.

11.12.11. Nakon potpisivanja Ugovora, Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese Odluku o odobravanju sredstava iz Budžeta Ministarstva za privredu Bosansko-podrinjskog kantona Goražde – ekonomski kod 614 100 – Tekući transferi drugim nivoima vlasti za razvoj turizma, u skladu sa potpisanim Ugovorom.



11.12.12. Nakon prihvatanja prijedloga Odluke o odobravanju projekata za isplatom sredstava od strane Vlade Bosansko-podrinjskog kantona Goražde, zahtjev za plaćanje se dostavlja Ministarstvu za finansije.

11.13. Procedure odobravanja zahtjeva za sredstvima

11.13.1. Komisija rangira aplikacije podnešene u formi zahtjeva po broju osvojenih bodova, za one zahtjeve koji su u procesu evaluacije dobili više od 50 bodova.

11.13.2. U procesu odobravanja, komisija može uvidom na terenu provjeriti ispunjavanje uslova za dobijanje podrške u pogledu uklađenosti stvarnog stanja sa stanjem navedenim u zahtjevu za sredstvima.

11.13.3. Nakon provedenog rangiranja, komisija predlaže odobravanje zahtjeva u punom ili umanjenom iznosu u zavisnosti od rezultata procesa evaluacije. U toku provođenja procedura odobravanja zahtjeva Komisija vodi računa o prethodno odobrenim zahtjevima, odobrenim projektima, odnosno projektima koji se nalaze u procesu odobravanja. Komisija može predložiti privremenu suspenziju procedura odobravanja zahtjeva najviše do 3 mjeseca, nakon čega donosi konačni prijedlog Odluke.

11.13.4. Zahtjevi za sredstvima koji imaju više od 50 bodova a za čije finansiranje nema raspoloživih sredstava stavljaju se na listu čekanja. U slučaju obezbjeđenja dodatnih sredstava za program ili donošenja odluke o preraspodjeli sredstava u skladu sa odredbama programa zahtjevi će biti finansirani. U suprotnom, zahtjev za sredstvima se odbija.

11.13.5. Sve odobrene zahtjeve Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese Odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 100 – Tekući transferi drugim nivoima vlasti za razvoj turizma,

11.13.6. Ugovorom će se definisati način implementacije sredstava, vrijeme implementacije, obaveze korisnika sredstava i Ministarstva za privredu i način obezbjeđenja instrumenata za namjenski utrošak sredstava.

11.13.7. Nakon prihvatanja prijedloga Odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde zahtjev je odobren i Ministarstvo za privredu Bosansko-podrinjskog kantona Goražde dostavlja zahtjev za plaćanje Ministarstvu za finansije.

## 12. PRIORITETI, PRIORITETNA PODRUČJA, FINANSIJSKI KRITERIJI I NAČIN RANGIRANJA

12.1. Prioritetne aktivnosti

12.1.1. Prioritetne aktivnosti i mjere su definisane za svaki posebni cilj.

12.1.2. Prioritetne aktivnosti i mjere koje imaju prednost za učestvovanje u programu u okviru prvog posebnog cilja su obuhvaćeni odlukom Vlade Bosansko-podrinjskog kantona Goražde broj: 03-14-1528/13 i to za:

- Izgradnja pristaništa za splavove i uređenje desne obale rijeke Drine ispod Gradskog mosta,
- uređenje priobalja (zemljani radovi i hortikulturno uređenje), plaža, obale, područja namjenjenih za kampovanje i dnevni boravak turista na lokalitetu općine Foča u Federaciji BiH,
- izgradnja zimske turističke infrastrukture, uvođenje novih rekreacijskih i turističkih sadržaja i uređenje skijališta na području Krive Drage,

12.1.3. Prioritetne aktivnosti i mjere koje imaju prednost za učestvovanje u programu u okviru drugog posebnog cilja su aktivnosti:

- predviđene projektom uređenja i zaštite plaža i kupališta na rijeci Drini,

- koje doprinose aktiviranju turističkih resursa i potencijala koji mogu doprinijeti promociji novih turističkih proizvoda u oblasti eko-turizma,
- koje doprinose promociji turističke ponude Bosansko-podrinjskog kantona Goražde, a posebno ponude koja se odnosi na ljetni, zimski, planinski i seoski turizam.

## 12.2. Finansijski kriteriji

12.2.1. Finansijski kriteriji se primjenju za ocjenu budžeta i troškovne efikasnosti predloženih aktivnosti.

12.2.2. Za ocjenjivanje odnosa planiranih troškova i očekivanih rezultata, te adekvatnosti i efikasnosti i ekonomičnosti aktivnosti, primjenjivaće se slijedeći finansijski kriteriji:

- za projekat izgradnje pristaništa za splavove i uređenje desne obale rijeke Drine ispod Gradskog mosta, odobriće se sredstva čija vrijednost neće biti veća od 20.000 KM..
- za projekat uređenja priobalja (zemljani radovi i hortikulturno uređenje), plaža, obale, područja namjenjenih za kampovanje i dnevni boravak turista na lokalitetu općine Foča u Federaciji BiH, odobriće se sredstva čija vrijednost neće biti veća od 20.000 KM
- maksimalni iznos granta za izgradnju zimske turističke infrastrukture, uvođenje novih rekreacijskih i turističkih sadržaja i uređenje skijališta na području Krive Drage je 20.000 KM.
- za implementaciju aktivnosti u projektu uređenja i zaštite plaža i kupališta na rijeci Drini odobriće se sredstva u maksimalnoj visini koja je za pojedinačne aktivnosti provedene projektom, odnosno sredstva čija je vrijednost dobivena na osnovu predmjera radova odnosno predračuna izvođača radova, a u maksimalnom iznosu od 40.000 KM u slučaju izdvajanja sredstava za ove namjene u vidu vlastitog učeća. Bez sufinansiranja od strane Fonda za zaštitu okoliša F BiH, maksimalan iznos granta za projekat koji doprinosi uređenju plaža i kupališta na rijeci Drini odobriće se maksimalan iznos od 10.000 KM po projektu, odnosno maksimalno 3.000 KM po jednom zahtjevu. Ukupno se planira podržati maksimalno tri projekta odnosno dva projekta i tri zahtjeva za sredstvima.
- za aktivnosti koje doprinose aktiviranju ostalih turističkih resursa koji mogu doprinijeti promociji turističkih potencijala podržaće se akcije u iznosu od oko 5.000 KM po akciji. Svi troškovi sadržani u akciji će se posebno procjenjivati sa aspekta ekonomičnosti,
- za aktivnosti koje doprinose promociji turističke ponude BPK Goražde podržaće se akcije iznosu od oko 5.000 KM po akciji. Svi troškovi sadržani u akciji će se posebno procjenjivati sa aspekta ekonomičnosti,

## 12.3. Način rangiranja

12.3.1. Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji su duži vremenski period aktivni na području kantona, koji su veći broj godina poslovali sa dobitkom, koji imaju bolju organizacionu strukturu, koji su u posljednje tri godine provodili slične projekte. Prednost će se takođe dati aplikantima koji su imali uspješno provedene iste ili slične projekte u oblasti turizma.

12.3.2. Prilikom ocjenjivanja relevantnosti projekta prednost će se davati projektima koji su predviđeni programom, a komisija će voditi računa da odobreni projekti omoguće ispunjavanje svih očekivanih rezultata programa. Prednost će se dati aplikacijama koje imaju za cilj realizaciju prioriternih aktivnosti i mjera predviđenih ovim programom. Posebna pažnja će biti data aplikacijama koje doprinose ostvarivanju više prioriternih aktivnosti i mjera predviđenih programom. Prednost u pružanju podrške će se dati projektima i zahtjevima koji omogućavaju ostvarivanje većih rezultata koji su predviđeni ovim programom.

12.3.3. Prilikom ocjenjivanja metodologije ocjenjivat će se metode i predloženi način realizacije aktivnosti. Aplikacije koje imaju bolje razrađenu metodologiju i koherentniji plan implementacije projekta ili zahtjeva će imati prednost pri rangiranju.

12.3.4. Prilikom ocjenjivanja održivosti projekta, prednost imaju aplikacije koje na sveobuhvatniji način rješavaju problem i omogućavaju ostvarivanje rezultata, koje provode aktivnosti koje su bolje povezane sa potrebama turizma i koje mogu dugoročno osigurati nastavak aktivnosti i nakon završetka projekta.

12.3.5. Prilikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije programa iz tačke 12.2. programa.

## 13. PROCJENA REZULTATA

### 13.1. Pregled očekivanih rezultata podrške

13.1.1. Aplikanti su dužni u prijedlogu projekta navesti specifične rezultate koji su direktno povezani sa očekivanim rezultatima ovog programa i moraju biti mjerljivi i jasno vremenski određeni.

13.1.2. Očekivani rezultati Programa podrške razvoju turizma u Bosansko-podrinjskom kantonu Goražde u 2014.godini su:

- uređeno priobalno područje rijeke Drine u naselju Ustikolina, nabavljena osnovna turistička signalizacija i oprema, uređeno priobalje u vidu zemljanih radova i hortikulturno uređenje obale i područja planiranog za kampovanje i dnevni boravak turista,
- uređeno priobalno područje rijeke Drine u samom centru grada Goražda i uređeno pristanište za splavove i gradska plaža na desnoj obali rijeke Drine,
- unaprijeđeno stanje na skijalištima i uvedeni novi rekreacijski i turistički sadržaji na skijalištima,
- poduzete mjere na zaštiti i uređenju javnih plaža i kupališta na rijeci Drini na potezu od Ustikolin do Goražda (ne uključujući aktivnosti provedene u okviru prvog posebnog cilja) u cilju poboljšanja ukupne turističke ponude kantona. Ovim mjerama u slučaju odobravanja dodatnih sredstava iz Fonda za zaštitu okoliša Federacije BiH planirano je poboljšanje stanja na 12 lokacija plaža i kupališta na rijeci Drini, te minimalno tri lokacije (uređenje obale i kupališta, nabavka opreme za kupališta, osiguranje kontrole vode na kupalištima, postavljanje saobraćajne signalizacije, tabli obavještenja) ukoliko se ne odobre očekivana sredstva
- povećan stepen iskorištenosti turističkih resursa i potencijala i poboljšana turistička ponuda Bosansko-podrinjskog kantona Goražde,
- pokrenuta minimalno jedna akcija putem koje je poboljšana i promovisana turistička ponuda Bosansko-podrinjskog kantona Goražde, koja uključuje aktivnosti na poboljšanju turističke ponude za planinski, seoski i eko-turizam te aktivnost na njenoj promociji.

13.1.3. Sve aplikacije koje se podnose za finansiranje iz sredstava programa će biti procjenjivane u odnosu na njihove očekivane rezultate. Očekivani rezultati prijedloga projekata i zahtjeva za sredstvima se procjenjuju u odnosu na očekivane rezultate programa.

13.1.4. Očekivani rezultati koji su predloženi u prijedlogu projekata će se koristiti za ocjenu kvalitete prijedloga projekta i njegovog doprinosa ostvarivanju ciljeva programa, a takođe će biti kriterij za ocjenu namjenskog utroška sredstava i ispunjavanja ugovorenih obaveza po odobrenim grantovima Ministarstva za privredu Bosansko-podrinjskog kantona Goražde.

13.1.5. Mjerenje rezultata aktivnosti će se vršiti na osnovu rezultata monitoringa implementacije i rezultata obilaskom korisnika na terenu i na osnovu dostavljanja pismenih izvještaja korisnika sredstava.

13.1.6. U cilju osiguranja procjene rezultata programa, odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koje su odobrene za finansiranje iz programa. Odabrani korisnici dužni su dostavljati jedan izvještaj na kraju i jedan na polovini perioda implementacije projekta. Forma i sadržaj Izvještaja o utrošku sredstava će biti dostavljena svim korisnicima sredstava.

## 13.2. Kvantitativni pregled očekivanih rezultata

13.2.1. Prilikom procesa ocjenjivanja prijedloga projekata primjenjivat će se okvir koji je definisan za očekivane rezultate programa i on se nalazi u tabeli broj 4.

TABELA 4: PREGLED MINIMALNIH OČEKIVANIH REZULTATA PROJEKTA I MAKSIMALNE PODRŠKE

Rbr	Vrsta aktivnosti	Minimalni očekivani rezultat	Jedinica rezultata	Broj jed.	Maksimalni budžet (KM)	Maksimalni podsticaj po jedinici rezultata (KM)
<b>1.</b>	<b>Prvi posebni cilj</b>					
1.1.	Uređenje gradskih plaža na rijeci Drini u gradu Goražde	Najmanje jedna plaža uređena i opremljena turističkom opremom na području grada Goražde u skladu sa odobrenim projektom	projekt	1	20.000	20.000
1.1.	Uređenje priobalja rijeke Drine u centru naseljenog mjesta Ustikolina	Uređeno područje centra naselja Ustikolina u priobalju rijeke Drine i postavljena turistička signalizacija i oprema u skladu sa odobrenim projektom	projekt	1	20.000	20.000
1.2.	Uređene staze za skijanje	SRC Bijele Vode podstaknuto u uređenju skijališta i njegovo proširenje	projekt	1	20.000	20.000
<b>2.</b>	<b>Drugi poseban cilj</b>					
2.1	Unapređenje i uređenje lokacija na rijeci Drini	Poboljšano stanje plaža i kupališta identifikovano Studijom o mogućnosti izgradnje plaža i kupališta na rijeci Drini na potezu od Ustikoline do Goražda. Poboljšano stanje na minimalno 4 a maksimalno 12 potencijalnih lokacija za plaže i kupališta, provedene konkretne aktivnosti na poboljšanju stanja (uređene obale i kupališta, nabavka opreme za kupališta, osiguranje kontrole vode na kupalištima, postavljanje saobraćajne signalizacije, tabli obavještenja) i/ili izrađena potrebna projektna dokumentacija za dalje aktivnosti na uređenju plaža i kupališta na rijeci Drini.	projekat	3	10.000	30.000
2.2.	Aktiviranju ostalih turističkih resursa	Stavljanje minimalno jednog novog turističkog potencijala ili resursa u turističku ponudu Bosansko-podrinjskog kantona Goražde. Promovisani novi turistički potencijali ili proizvodi.	Projekat (ili 2 zahtjeva)	1	5.000	5.000
2.3.	Promocija turističke ponude	Podsticanje unapređenja turističke infrastrukture za ljetni, zimski, planinski i seoski turizam	Projekat (ili 2 zahtjeva)	1	5.000	5.000

### 13.3. Monitoring implementacije programa

13.3.1. Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog programa. U cilju osiguranja procjene rezultata odabrani korisnici su dužni nakon i u toku utroška odobrenih sredstava dostaviti Ministarstvu za privredu Bosansko-podrinjskog kantona Goražde izvještaj o provedenim aktivnostima koje su odobrene za finansiranje iz programa.

13.3.2. Nadzor realizacije Programa utroška sredstava sa ekonomskog koda 614 100 –Tekući transferi drugim nivoima vlasti za razvoj turizma vrši komisija Ministarstva za privredu Bosansko-podrinjskog kantona Goražde.

13.3.3. Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava.

13.3.4. U slučaju da rezultati monitoringa ukažu na značajni zaostatak u ispunjavanju ugovorenih obaveza, Ministarstvo predlaže Vladi donošenje odluke o povratu dodijeljene državne pomoći ili preusmjeravanje u skladu sa odredbama programa.

## 14. PROCJENA NEPREDVIĐENIH RASHODA I RIZIKA

### 14.1. Nepredviđeni rashodi

14.1.1. Kako bi se smanjili nepredviđeni rashodi unutar sheme podsticaja uvedeni su strogi finansijski kriteriji koji ograničavaju obim ostvarivanja podsticaja. Dodatno obezbjeđenje za nepredviđene rashode je uvedeno kroz minimalne/ maksimalne vrijednosti izdataka za svaki poseban cilj čime je program dodatno zaštićen od nepredviđenih rashoda.

14.1.2. Nepredviđeni rashodi mogu se pojaviti u slučaju povećane potražnje za podsticajnim mjerama, obzirom da, zbog nedostatka novčanih sredstava, program nije u potpunosti realizovan u 2013. godini.

### 14.2. Rizici

14.2.1. Kako bi se smanjili rizici u procesu implementacije programa uvedene su novine i u procesu selekcije i u monitoringu aktivnosti koje su podržane u okviru ovog programa. Novine se odnose u omogućavanju službenicima terenske posjete i prikupljanje dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim programom.

14.2.2. Aplikanti su dužni planirati odgovarajuće mjere koje će poduzeti u slučaju pojavljivanja rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog programa.

## 15. POTREBAN BROJ RADNIKA ZA PROVOĐENJE PROGRAMA

15.1. Za provođenje Programa su nadležni zaposleni u Ministarstvu za privredu i Program ne zahtjeva angažovanje dodatnih radnika na provođenju Programa. Osobe zadužene za upravljanje i nadzor nad Programom su:

- Supervizor programa: Almas Pita
- Saradnik na programu: Refija Tatarin

15.2. Pored lica iz prethodnog stava na programu će biti angažovana lica na poslovima komisija koje se formiraju u skladu sa programom. Članovi komisije za provođenje aktivnosti na ocjenjivanju aplikacija ne mogu biti članovi komisije za kontrolu realizacije ugovorenih obaveza po ovom programu. Komisije po ovom programu se ne plaćaju.

Broj: 04-14-1026/14

Goražde, 26.06.2014godine

**MINISTAR**

Demir Imamović, dipl.ecc

Saglasnost na ovaj Program dala je Vlada Bosansko-podrinjskog kantona Goražde, Odlukom broj: 03-14-940/14 dana 08.07.2014. godine.